

啓蒙篇

9
3514

啓蒙篇

口 9
3514

門 口 9
3514
卷

439

啓蒙篇

島田藏書

啓蒙篇

上有天下有地天地之間有人焉
有萬物焉日月星辰者夫之所係
也江海山岳者地之所載也父子
君臣長幼夫婦朋友者人之大倫
也
以東西南北定天地之方以青黃
赤白黑定物之色以酸鹹辛甘苦

新島氏藏
辛巳月

萬花

定物之味。以宮商角徵羽。定物之
聲。以一二三四五六七八九十百
千萬億。總物之數。

右首篇

日出於東方。入於西方。日出則為
晝。日入則為夜。夜則月星著見焉。
天有緯星。金木水火土五星是也。
有經星。角亢氐房心尾箕斗牛女

虛危室壁奎婁胃昂畢觜參井鬼
柳星張翼轸二十八宿是也。
一晝夜之內。有十二時。十二時會
而為一日。三十日會而為一月。十
有二月合而成一歲。
月。或有小月。小月則二十九日。為
一月。歲或有閏月。有閏。則十三月
成一歲。十二時者。卽地之十二支。

也。所謂十二支者。子丑寅卯辰巳
午未申酉戌亥也。天有十干。所謂
十干者。甲乙丙丁戊己庚辛壬癸
也。
天之十干與地之十二支相合而
為六十甲子。所謂六十甲子者。甲
子乙丑丙寅丁卯至壬戌癸亥是
也。

十有二月者。自正月二月至十二
月也。一歲之中亦有四時。四時者。
春夏秋冬是也。
以十二月分屬於四時。正月二月
三月屬之於春。四月五月六月屬
之於夏。七月八月九月屬之於秋。
十月十一月十二月屬之於冬。晝
長夜短而天地之氣大暑則為夏。

夜長晝短、而天地之氣大寒、則為冬。春秋則晝夜長短平均、而春氣微溫、秋氣微涼。

春三月盡、則為夏。夏三月盡、則為秋。秋三月盡、則為冬。冬三月盡、則復為春。四時相代、而歲功成焉。春則萬物始生。夏則萬物長養。秋則萬物成熟。冬則萬物閉藏。然則

萬花

萬物之所以生長收藏、無非四時之功也。

右天篇

地之高处、便為山地。地之低处、便為水。水之小者、謂川。水之大者、謂江。山之卑者、謂丘。山之峻者、謂岡。天下之山、莫大於五岳。五岳者、泰山、嵩山、衡山、恒山、華山也。天下之

水莫大於四海。四海者，東海、西海、南海、北海也。

山海之氣，上與天氣相交，則興雲霧，降雨雪，為霜露，生風雷。暑氣蒸鬱，則油然而作雲，沛然而下雨。寒氣陰凝，則露結而為霜，雨凝而成雪。故春夏多雨露，秋冬多霜雪，變化莫測者，風雷也。

萬花

古之聖王，畫野分地，建邦設都，四海之內，其國有萬，而一國之中，各置州郡焉。州郡之中，各分鄉井焉。為城郭以禦寇，為宮室以處人，為耒耜教民耕稼，為釜甑教民火食。作舟車以通道路，金木水火土在天，為五星；在地，為五行；金以為器，木以為宮，穀生於土，取水火為飲。

食則凡人日用之物無非五行之物也。

五行固有相生之道。水生木。木生火。火生土。土生金。金復生水。五行之相生也。無窮而人用不竭焉。五行亦有相克之理。水克火。火克金。金克木。木克土。土復克水。乃操其相克之權。能用其相生之物者。

是人之功也。

右地篇

天地生物之數有萬其衆。而若言其動植之物。則草木禽獸蟲魚之屬。最其較著者也。

飛者為禽。走者為獸。鱗介者為蟲。魚根植者為草木。

飛禽卵翼。走獸胎乳。飛禽巢居。走

獸穴處。蟲魚之物。化生者最多。而亦多生於水濕之地。春生而秋死者。草也。秋則葉脫。而春復榮華者。木也。其葉蒼翠。其花五色。其根深者。枝葉必茂。其有花者。必有其實。

虎豹犀象之屬。在於山。牛馬雞犬之物。畜於家。牛以耕墾。馬以無載。

犬以守夜。雞以司晨。犀取其角。象取其牙。虎豹取其皮。山林多不畜之禽獸。川澤多無益之蟲魚。故人以力殺。人以智取。或用其毛羽骨角。或供於祭祀賓客飲食之間。

走獸之中。有麒麟。爲飛禽之中。有鳳凰。爲蟲魚之中。有靈龜。爲有飛

龍焉。此四物者，乃物之靈異者也。故或出於聖王之世。稻粱黍稷，祭祀之所以供。粱盛者也。豆菽麴麥之穀，亦無非養人命之物。故百草之中，穀植最重。犯霜雪而不凋，閱四時而長春者，松柏也。衆木之中，松柏最貴。梨栗柿棗之果，味非不佳也。其香

芬芳，故果以橘柚為珍。蘿蔔、蔓菁、諸瓜之菜種，非不多也。其味辛烈，故菜以芥薑為重。水陸草木之花，可愛者甚繁，而陶淵明愛菊。周濂溪愛蓮。富貴繁華之人，多愛牡丹。淵明隱者，故人以菊花比之於隱者。濂溪君子，故人以蓮花比之於君子。牡丹花之繁

華者、故人以牧丹比之於繁華富貴人。

物之不齊、乃物之情。故以尋丈尺寸、度物之長短。以斤兩鎰銖、稱物之輕重。以斗斛升石、量物之多寡。筭計萬物之數、莫便於九九。所謂九九者、九九八十一之數也。

右物篇

萬花

萬物之中、惟人最靈。有父子之親、有君臣之義、有夫婦之別、有長幼之序、有朋友之信。生我者為父母、我之所生為子女。父之父為祖、子之子為孫。與我同父母者為兄弟。父母之兄弟為叔。兄弟之子女為姪。子之妻為婦女。之夫為婿。

有夫婦然後有父子。夫婦者人道之始也。故古之聖人制為婚姻之禮以重其事。

人非父母無從而生。且人生三歲然後始免於父母之懷。故欲盡其孝則服勤至死。父母歿則致喪三年以報其生成之恩。耕於野者食君之土。立於朝者食

君之祿。人固非父母則不生。亦非君則不食。故臣之事君如子事父。唯義所在則舍命效忠。人於等輩尚不可相踰。況年高於我。官貴於我。道尊於我者乎。在鄉黨則敬其齒。在朝廷則敬其爵。尊其道而敬其德是禮也。曾子曰。君子以文會友。以友輔仁。

蓋人不能無過而有朋友責善之道。故人之所以成就其德性者，固莫大於師友之功。雖然，友有益友，亦有損友，取友不可不端也。同受父母之餘氣，以為人者，兄弟也。且人之方幼也，食則連牀，枕則同衾，共被父母之恩者，亦莫如我兄弟也。故愛其父母者，亦必愛其

兄弟。宗族雖有親疎遠近之分，然推究其本，則同是祖先之骨肉。苟於宗族不相友愛，則是忘其本也。人而忘本，家道漸替。父慈而子孝，兄愛而弟敬，夫和而妻順，事君忠，而接人恭，與朋友信，而撫宗族厚，可謂成德君子也。凡人稟性，初無不善，愛親敬兄，忠

君弟長之道。皆已具於吾心之中。固不可求之於外面。而惟在我力。行而不已也。人非學問。固難知其何者為孝。何者為忠。何者為弟。何者為信。故必須讀書窮理。求觀於古人。體驗於吾心。得其一善。勉行之。則孝弟忠信之節。自無不合於天叙之則矣。

收斂身心。莫切於九容。所謂九容者。足容重。手容恭。目容端。口容止。聲容靜。頭容直。氣容肅。立容德。色容莊。進學益智。莫切於九思。所謂九思者。視思明。聽思聰。色思溫。貌思恭。言思忠。事思敬。疑思問。忿思難。見得思義。

右人篇

尊以事。以禮與問。亦思讓。
 生財思由。類思類。分思點。贈思恭。
 聖學益啓。莫離於此。以漸臨矣。思
 容。強之何者。為弟何者。為信故也。
 贊敬情。贈琛直。鼎泰承立。容。謝。色。
 黃文。容重。千容。然目容。繼。若容。出。
 郊。德。得。山。莫。旺。林。次。容。西。龍。以。容。



